

## Фаҳш улкан қабихликдир

10:02 / 11.11.2018 3412

Аллоҳ таоло Аъроф сурасида марҳамат қилади:

وَالْبَغْيَ وَالْإِثْمَ بَطْنٍ وَمَا مِنْهَا ظَهَرَ مَا أَلْفَوْا حِشْرِيَّ حَرَّمَ إِنَّمَا قُلُّ

عَلَى تَقُولُوا وَأَنْ سُلْطَنًا بِهِ يُنَزَّلُ لَمْ مَا بِاللَّهِ تَشْرِكُوا وَأَنْ الْحَقِّ بغيرِ

نَعْمُونَ لَا مَا اللَّهُ ۳۳

«Сен: «Роббим ошкора ва яширин фаҳш ишларни, гуноҳни, ноҳақ тажовузкорликни ва Аллоҳга Ўзи ҳеч қандай ҳужжат туширмаган нарсаларни шерик қилиб олишингизни ҳамда Аллоҳга нисбатан ўзингиз билмайдиган нарсани гапиришингизни ҳаром қилган, холос», деб айт» (33-оят).

Аллоҳ бандаларига ҳаром қилган нарсалар қуйидагилардир:

### 1. «Ошкора ва яширин фаҳш ишлар».

Фаҳш иш улкан қабихликдир. Бундай ишлар хоҳ ошкора, хоҳ яширин бўлсин, барча-барчасини Аллоҳ ҳаром қилган.

## **2. «Гуноҳ».**

Гуноҳкорларнинг ўзларига тегишли маъсиятлари.

## **3. «Ноҳақ тажовузкорлик».**

Яъни одамларга нисбатан адолатсизлик, зулм ва душманлик қилиш.

## **4. «Аллоҳга ширк Ўзи у ҳақида ҳеч қандай ҳужжат туширмаган нарсаларни шерик қилиб олиш».**

Ширкнинг қайси тури бўлмасин, ҳаммаси ҳаром.

## **5. «Аллоҳга нисбатан ўзингиз билмайдиган нарсани гапиришингиз».**

Аллоҳнинг Зоти ва илоҳиётга доир масалаларда фақат ҳақиқий илм асосидагина фикр юритиш жоиз. Тахмин, гумон ёхуд бировга тақлидан ҳукм чиқариш асло мумкин эмас.